



分類補註李太白詩卷之十五

留別

秋日魯郡堯祠亭上宴別杜補闕范

侍御魯中

我覺秋興逸誰云秋興悲山將落日去水與  
晴空宜魯酒白玉壺送行駐金羈歇鞍憇古  
木解帶挂橫枝歌鼓川上亭曲度神颯吹一本

無此兩句却添入南歌憶郢客東傳見齊姬  
清波忽淡蕩白雪紛透迤一隔范杜遊此歡



各棄遺  
三韻

雲歸碧海夕鴈沒青天時相失各萬

里茫然空爾思

齊賢曰潘岳秋興賦曰善乎宋玉之言曰悲哉秋之為氣

也莊子魯酒薄而邯鄲圍鮑照詩清如玉壺水曹植詩白馬飾金羈易曰或鼓或罷或泣或歌西京賦度曲未終雲起雪飛應邵曰自隱度作新曲師古曰度大各切十洲記碧海在東海中詩豈不爾思士贇曰沈約詩解帶來清風古詩相去各萬里漢元帝紀自度曲被歌聲臣瓚曰度曲謂歌終更授其次謂之度曲列子曰子貢茫然自失世說謂洗馬初度江云見此茫然不覺百端交集苟未免有情亦復誰能遣此王粲詩惜哉空爾為

### 別魯頌

誰道泰山高下却魯連節誰云秦軍衆摧却

魯連舌獨立天地間清風洒蘭雪夫子還個

儻攻文繼前烈錯落石上松無為秋霜折贈

言鏤寶刀千歲庶不滅士贇曰魯仲連事見前揚雄河東賦參天

地而獨立兮晉忠義傳序曰激清風於萬古尚書公劉克篤前烈西都賦隋侯明月錯落其間曹植詩繁華將茂秋霜瘁之穀梁傳曰孟勞魯之寶刀漢書段會宗傳曰朋友以言贈行古詩置書懷袖間三歲字不滅

### 別中都明府兄



吾兄詩酒繼陶君試宰中都天下聞東樓喜  
奉連枝會南陌愁為落葉分城隅淥水明秋

日海上青山隔暮雲取醉不辭留夜月鴈行

中斷惜離羣

齊賢曰陶君指淵明唐中都縣隸鄆州蘇武詩况我連枝樹與

子同一身毛詩侯我於城隅江淹詩日暮碧雲合禮記兄之齒鴈行又離羣索居士贊曰

史文帝紀大王賢聖仁孝聞於天下南史四王傳曰悲落葉落葉何時還宿昔共本根無

復一相關江淹賦遷客海上易曰進退無常非離羣也

### 夢遊天姥吟留別

一作別東魯諸公

海客談瀛洲煙濤微茫信難求越人語天姥

雲霓明滅或可覩天姥連天向天橫勢拔五

嶽掩赤城天台四萬八千丈對此欲倒東南

傾我欲因之夢吳越一夜飛度鏡湖月

齊賢曰瀛

洲事見前處州麗水縣有天姥山與括蒼山相連石壁上有字高不可識春月則聞簫鼓

笳吹聲謝靈運詩暝投剡中宿明登天姥岑天台賦赤城霞起而建標十道四蕃志天台

山高一萬八千丈周圍八百里任昉記越州鏡湖世傳軒轅鑄鏡湖邊因得名士贊曰楚

辭天問曰康回憑怒地何故以湖月照我影東南傾列子曰地不滿東南



送我至剡溪謝公宿處今尚在淥水蕩漾清

猿啼脚着謝公屐身登青雲梯半壁見海日

空中聞天雞齊賢曰謝靈運移籍會稽脩營山陟嶺常着木屐靈運詩共登青雲梯應邵漢官儀泰山名曰觀雞一鳴時見日

欲出三丈士贊曰剡溪即剡中靈運詩瞑投

剡中宿處景福殿賦淥水浩浩玄中記桃都

山有大樹曰桃都枝相去三千里上有天雞

日初出照此木天雞即鳴天下雞皆隨之郭璞江賦其羽族也

千巖萬轉路不定迷花倚石忽已暝熊咆龍吟殷巖泉慄深林兮驚層

巖雲青青兮欲雨水澹澹兮生煙齊賢曰世

從會稽還云千巖競秀萬壑爭流毛詩殷其雷殷音隱士贊曰鮑照詩千巖盛阻積萬壑

勢紫廻劉安招隱士曰叢薄深林兮人上慄又虎豹闢兮熊羆咆張衡曰龍吟方澤謝眺

詩生煙列缺霹靂丘巒崩摧洞天石扇訇然

中開青冥浩蕩不見底日月照耀金銀臺齊賢

曰揚雄校獵賦霹靂列缺吐火施鞭唐正觀中華陰雲臺觀法師隨長公弼行三二十里

援蘿攀葛至一石壁削成高千餘仞下臨無底之谷一徑闊數寸法師隨公弼側足而立

公弼乃以指扣石壁中有人問曰為誰對曰某遂劃然開一門中有天地日月法師隨公



彌入因闔門則又成石壁矣郭璞詩但見金  
銀臺士贇曰楚詞據青冥而攄虹又怨靈脩  
之浩霓為衣兮風為馬雲之君兮紛紛而來

下虎鼓瑟兮鸞回車仙之人兮列如麻忽覓  
悸以鬼動况驚起而長嗟惟覺時之枕席失

向來之煙霞齊賢曰屈原東君曰青雲衣兮

風馬河伯曰與汝遊兮河之渚流澌紛兮將

來下田延年傳曰使我至今病悸說文悸心

動也上贇曰莊子尻為輪神為馬楚詞  
既亡鸞車之幽藹兮駕八龍之逶迤

行樂亦如此古來萬事東流水別君去時何

世間



蓬萊各騎一鳳餘騎鶴向東而去鄂中記石  
 虎改虎頭擊囊為龍頭盤囊金銀鈞士贊曰集仙傳  
 曰遺仲叔居宮闕在龜山有城九層玄室紫  
 西王母所居宮闕在龜山有城九層玄室紫  
 翠丹房左帶瑤池右環翠水豁落圖事見十  
 卷注又道經太上玉檢五老寶經玄丹簡十  
 經三十九章雌一王檢五老寶經玄丹簡十  
 二上願佩神虎金虎符豁落七星元流金火鈴  
 消魔隱呪威制萬靈飛步五星存注七元思  
 真行道求天仙合服神丹飛騰靈丸名書  
 玄圃剋成上仙史孝山戀子四五人徘徊未  
 出師頌曰恩沾遐荒

人間父摧藏齊賢曰毛詩將翔將翔楚辭光  
 風轉蕙泛崇蘭劉越石詩抱膝

李長吉詩

六



獨摧藏士贇曰漢息夫躬傳鷹隼橫厲鸞徘徊宋玉對楚王問曰鳳凰上激九千里絕雲霓負青天翱翔范蠡說句踐屈平去懷王飄

乎杳冥之上范蠡事句踐滅吳報會稽之耻銜觴齊賢曰范蠡事句踐滅吳報會稽之耻

私徒屬乘舟浮海以行終不反越句踐表會稽山為蠡奉邑屈平去懷王事見前士贇曰

趙景真與嵇茂齊書曰飄飄遠遊之士何敬祖詩心虛體白輕飄飄若仙步郭璞詩升降

隨雲煙飄飄戲九垓陸機詩輕舉乘紫霞鮑照詩流浪漸與經三齡江淹別賦暫游萬里

少年別淮水帝王州金陵繞丹陽樓臺照海色

衣馬搖川光及此北望君相思淚成行朝雲落夢渚瑤草空高堂帝子隔洞庭青楓滿瀟

湘齊賢曰謝眺詩金陵帝王州金陵漢晉為丹陽郡巫山神女旦為朝雲事見前夢渚雲夢之渚通典江陵縣有楚渚官江淹詩瑤草正翕艷瀟湘洞庭帝子事見前士贇曰按

秦淮水在上元縣南秦始皇時望氣者言金陵有天子氣使朱衣鑿山為瀆以斷地脈改

金陵為秣陵晉陵秋云秦開故曰秦淮或云淮水發源屈曲不類人工江淹詩相思巫山

渚懷君路綿邈覽古情淒涼登岳眺百川杳然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈

然萬恨長知戀峨眉去弄景偶騎羊齊賢曰毛詩豈



不懷歸峨眉縣在嘉州內觀經老君曰騎羊  
真人金堂玉室士贇曰何敬祖詩長懷慕仙  
類眇然心綿邈晉  
盧諶有覽古詩

留別于十一兄述裴十三遊塞垣

太公渭川水李斯上蔡門釣周獵秦安黎元  
小魚魏兔何足言天張雲卷有時節吾徒莫  
嘆羝觸藩于公白首大染野使人悵望何可  
論既知朱亥為壯士且願束心秋毫裏秦趙  
虎爭血中原當去抱關救公子裴生覽千古

龍鸞炳文章悲吟雨雪動林木放書輟劍思

高堂勸爾一杯酒拂爾裘上霜爾為我楚舞

吾為爾楚歌且探虎穴向沙漠鳴鞭走馬凌

黃河耻作易水別臨岐淚滂沱齊賢曰秦音

振林木世說大元末長星見孝武舉杯屬星  
云長星勸爾一杯酒留侯世家云上曰為我  
楚舞吾為若楚歌呂蒙曰不探虎穴安得虎  
子謝靈運詩鳴鞭適大河荆軻入秦太子及  
賓客送至易水之上既祖取道高漸離繫筑  
荆軻和而歌為變徵之聲士皆垂淚泣涕毛  
詩涕泗滂沱士贇曰太公李斯事並見三卷  
注魏子徇且倫二切狡兔也又兔子易羝羊



觸藩羸其角大梁夷門監者侯羸薦朱亥與  
魏公子無忌奪晉鄙兵救趙事見四卷注吳  
質荅魏太子牋曰摘藻下筆龍鸞之文奮  
矣班固兩都賦序曰文章炳然三代同風

### 留別王司馬嵩

魯連賣談笑豈是顧千金陶朱雖相越本有

五湖心余亦南陽子時為梁甫吟蒼山容偃

蹇白日惜頽侵士贊曰魯仲連陶朱公諸葛亮梁甫吟事並見前劉安招

隱士曰桂樹叢生兮山之幽偃蹇連願一佐

明主功成還舊林西來何所為孤劍託知音

鳥愛碧山遠魚遊滄海深呼鷹過上蔡賣畜

向嵩岑他日閑相訪丘中有素琴齊賢曰陸雲詩知音

信所稀呼鷹臺在鄧州東南一里劉表所築

史李斯謂中子曰吾欲與若牽黃犬出上蔡

東門何可得也見前王猛家貧賤以鬻畜為

生常貨畜於洛陽有一人貴買其畜無直可

隨我取猛從忽至深山見一老鬢髮皓然據

胡床而坐左右十人有一人引猛進拜父老

曰王公何緣拜也乃十倍償畜直遣人送之



波百丈

還山留別金門知己

好古笑流俗素聞賢達風方希佐明主長揖  
 辭成功白日在青天迴光矚微躬恭承鳳凰  
 詔歛起雲蘿中清切紫霄迥優游丹禁通君  
 王賜顏色聲價凌煙虹齊賢曰尚書序好古  
 博雅君子孟子同平  
流俗又聞伯夷之風者頑夫廉左思詩功成  
 不受賞長揖歸田廬鳳詔見前梁簡文賦升  
 紫霄之丹地劉楨詩拘限清切禁賈山至言  
 人主開道而求諫和顏色而受之顏延年楮

白馬賦聲價隆振士贊曰謝靈運詩賢達不  
 可紀劉孝標廣絕交論曰斯賢達之素交左  
 思詩皓天舒白日靈景曜神州曹植求通親  
 親表若葵藿之傾太陽雖不為之迴光然向  
 之者誠也沈約詩便欲息微躬風俗通乘輿  
 曰張伯坐養聲價鮑照詩輝石亂煙虹乘輿  
 擁翠蓋扈從金城東寶馬驟絕景錦衣入新  
 豐倚巖望松雪對酒鳴絲桐方學揚子雲獻  
 賦甘泉宮天書美片善清芬播無窮歸來入  
 咸陽談笑皆王公齊賢曰孟子今乘輿已駕  
 矣曹子建表從華蓋侍輦  
轂上林賦扈從橫行出乎四校之中過秦論  
 金城千里太白應制為樂章明皇嘗賜之錦



袍新豐見前顏延年詩山明望松雪謝宣遠  
 詩中堂起絲桐子雲獻賦見前鮑明遠詩片  
 善辭草萊秦都咸陽士贊曰甘泉賦咸翠蓋  
 而鸞旗陸機詩翩翩翠蓋羅史李斯傳中既  
 之寶馬臣能御之陸機文賦誦先人之清芬  
 晉書列女傳贊清芬靡忒書畢命亦有無窮  
 命永世無窮之聞微子之一朝去金馬飄落成飛蓬賓友  
 日踈汝玉樽亦已空長才猶可倚不慚世上  
 雄閑來東武吟曲盡情未終書此謝知己扁  
 舟尋釣翁齊賢曰金馬門見前毛詩首如飛  
 榼白玉樽司馬相如傳長卿故倦游雖貧其  
 人才足依也鮑照東武吟注東武太山皆齊

之土風絃歌謳吟之曲名也士贊曰樂府東  
 武吟注銑曰人少壯征伐年老被棄游於  
 東武者不敢論功但戀君耳故託遠以言之  
 東武太山下小山名阮籍詩娛樂未終極漢  
 司馬遷傳曰士為知己者用東漢橋玄  
 傳曰曹植感其知己扁舟范蠡事見前  
 夜別張五

吾多張公子別酌酣高堂聽歌舞銀燭把酒  
 輕羅霜橫笛弄秋月琵琶彈百桑龍泉解錦  
 帶為爾傾千觴齊賢曰樂書橫吹曲曰下馬

引手却曰琵琶陌上桑古曲名龍泉劍名鮑照  
 詩錦帶佩吳鉤士贊曰陸機詩置酒高堂悲



歌臨觴蜀都賦日吉辰良置酒高堂晉孝武  
紀史臣論曰肆一醉於崇朝飛千觴於長夜

### 魏郡別蘇明府因北游

魏都接燕趙美女誇芙蓉淇水流碧玉舟車

日奔衝青樓夾兩岸萬室喧歌鍾天下稱豪

貴遊此每相逢

齊賢曰魏地與燕趙相接趙  
記曰女子盛飾冶容習絲竹

長袖傾絕諸侯西京雜記卓文君臉際常若  
芙蓉唐衛州有清洪縣毛詩衛淇與言淇水

之隈也曹子建詩青樓臨大路齊書世祖於  
樓上施青漆世謂之青樓士贊曰左傳歌鍾

二肆鮑照詩洛陽蘇季子劒戟森詞鋒六印

雖未佩軒車若飛龍黃金數百鎰白璧有幾

雙散盡空掉臂高歌賦還邛落魄乃如此何

人不相從遠別隔兩河雲山杳千重何時更

杯酒再得論心胷

齊賢曰史記蘇秦洛陽人  
字季子去游燕說燕文侯

曰與趙從親於是資秦車馬金帛以行說趙  
趙肅侯乃飾車百乘黃金百鎰白璧百雙錦

綉千純以約諸侯於是說韓宣惠王魏襄王  
齊宣王楚威王於是六國從合而并力蘇秦

為從約長并相六國北報趙行過洛陽車騎  
輜重擬於王者秦之昆弟妻嫂不敢仰視於

是散千金以賜宗族朋友初秦之燕貸百錢  
為資及得富貴以百金償之徧報諸所嘗見



德者歸趙趙封為武安君乃投從約書於秦  
秦兵不敢闚函谷關十五年洛陽有邛山漢  
書酈食其家貧落魄晉灼注曰落魄落  
託義同士贊曰晉食貨志馬若飛龍潘岳閑  
居賦抗音高歌史司馬遷曰銜杯酒接殷勤  
之歡鮑照詩何時與爾曹又云握君手執杯  
酒意氣相傾死何有又篇詩後相憶  
杯酒今無持謝靈運詩開顏披心曾

### 留別西河劉少府

秋髮已種種所為竟無成閑傾魯壺酒笑對  
劉公榮謂我是方朔人間落歲星白衣千萬  
乘何事去天庭齊賢曰左傳余髮如此種種  
余焉能為莊子魯酒薄而邯

鄆圍王戎詣阮籍時蜜公榮在坐阮謂王曰  
偶有二斗美酒當與君共飲彼公榮者無預  
焉二人交觴酬酢公榮不得一杯而言笑談  
論三人無異或問之阮曰勝公榮者不得不  
與飲不如公榮者不可不與飲唯公榮可不  
與飲武帝問大伍公知東方朔是歲星事見  
前漢書方朔初來上書上佳之令待詔公車  
夏侯湛東方朔贊曰戲萬乘若僚友視傳列  
如草芥揚子曰仰天而笑知天下之居卑也  
士贊曰莊子其子又以文之綸終終身無成  
陶淵明詩淹君亦不得意高歌羨鴻冥世人  
留豈無成  
若醯雞安可識梅生雖為刀筆吏緬懷在赤  
城余亦如流萍隨波樂休明自有兩少妾雙



騎駿馬行東山春酒綠歸隱謝浮名

齊賢曰揚子鴻

飛冥冥戈人何慕焉莊子曰孔子曰丘之於

道其猶醯雞與音義醯雞甕中之蠖蠓梅福

為南昌尉後得仙漢書蕭何為刀筆吏赤城

山天台范彥龍詩漢道曰休明毛詩為此春

酒上贊曰漢書山蚡傳曰墨墨不得意劉向

新序宋玉忠楚王而不見察意氣不得形於

顏色潘岳賦抗音高歌李華海賦或乃萍流

而蓬轉陳琳檄吳部曲文曰隨波漂流鮑照

詩會得兩少年

同是洛陽人

吾將元夫子異姓為天倫本無軒裳契素以

穎陽別元丹丘之淮陽

河南

煙霞親嘗恨迫世網銘意俱未伸松栢雖寒

苦羞逐桃李春悠悠市朝間玉顏日緇磷所

共重山岳所得輕埃塵

齊賢曰兄弟天倫也

栢之後凋也鮑明遠詩豐陽桃李節論語磨

而不磷涅而不緇洛神賦光潤玉顏士贊曰

大戴禮衛將軍文子篇曰獨居思仁公言言

義一日三復白圭之玷是南宮之行也夫子

信其仁以為異姓之親注謂以其兄之子妻

之也穀梁傳兄弟天倫也何休曰兄先弟後

天之倫次劉浚答劉沼書曰值余有天倫之

感揚雄羽獵賦於茲乎鴻生鉅儒俄軒冕雜

衣裳唐隱者田游巖答高宗書曰臣所謂泉



韋答軍司馬詩羈繫繫世網進退誰準繩選  
 古詩齊心司馬所願含意俱未伸荀子曰桃李  
 倩粲於一時時至而後殺至於松柏經隆冬  
 而不凋蒙霜雪而不變可謂得其真矣鮑照  
 詩悠悠世中人司馬遷書曰人固有一死死  
 或重於太山或輕於鴻毛用之所趣異也後  
 漢馮衍傳曰德重山岳澤深河海左思詩貴  
 者須自貴視之若埃塵賤者雖自賤重之若  
 鈞精魄漸蕪穢衰老相憑因我有錦囊訣可  
 以持君身當餐黃金藥去為紫陽賓萬事難  
 並立百年猶崇晨別爾東南去悠悠多悲辛  
 前志庶不易遠途期所遵已矣歸去來白雲

飛天津

齊賢曰陰長生聞馬明生得度世之  
道乃尋見之明生與俱入青城山煮

黃土為金以示之乃立壇以太清神丹經授  
 之長生歸合之丹成服半劑不盡即升天周  
 君內傳紫陽真人周義山字季通汝陰人常  
 以平旦日出西東嗽日服氣毛詩曾不崇朝  
 窠云崇終也魏文帝詩曰吹我東南行陶淵  
 明有歸去來辭士贊曰左傳樂祈曰心之精  
 爽是為冤鬼郭璞江賦云挺異人乎精鬼江  
 淹詩曰隱淪駐精鬼漢揚惲傳曰蕪穢不治  
 漢武帝內傳曰綠金之笈以三元流珠經丹景  
 紫錦之囊開綠金之笈以三元流珠經丹景  
 道精經隱見八術經太極六景經凡四部以  
 授三茅君又曰帝以王母所授五真圖靈光  
 經及上元天人所授六甲靈飛一十二事自  
 撰集為一卷及諸經圖皆承以黃金之几封



以白玉之函以珊瑚為牀紫錦為囊安著栢  
梁臺上史封禪書藥大曰臣之師曰黃金可  
成不死之藥可得仙人可致也謝靈運詩云  
萬事俱零落陶淵明詩鼎鼎百年內鮑照野  
鶴賦云對鍾鼓而悲幸穆天子傳西王母謠  
曰白雲在天謝眺辭隨王箋曰白雲在天龍  
門不見去德滋永思德滋深晉天文志天漢  
從東方經尾箕之間謂之漢津乃分二道至  
天津下而合南道乃西  
南行至七星南而沒

### 留別廣陵諸公

淮南一作留別邯鄲故人

憶昔作少年結交趙與燕金羈絡駿馬錦帶  
橫龍泉寸心無疑事所向非徒然晚節覺此

踈儼精草太玄空名束壯士薄俗棄高賢

曰曹植結客篇曰結客少年場報怨洛北芒

雷煥為豐城令掘獄屋得雙劍並刻題一曰

龍泉二曰太阿楊雄傳曰時雄草太玄有以

自守泊如也士贇曰漢鄒陽傳曰至其晚節

未路田蚡傳曰及孝景晚節師古曰晚節末

時也史黠布傳曰大王提空名以鄉楚謝靈

運詩寸心若不亮又安用空揚名曹植詩名

編壯士籍詩谷中迴聖明顧揮翰凌雲煙騎  
風曰天下俗薄  
虎不敢下攀龍忽墮天還家守清真孤潔勵  
秋蟬鍊丹費火石採藥窮山川卧海不關人



租稅遼東田乘興忽復起棹歌溪中船臨醉

謝葛強山公欲倒鞭狂歌自此別垂釣滄浪

前齊賢曰聖明顧乃太白供奉翰林時也歸田賦揮翰墨以奮藻謝眺詩方棄汝南諾

言稅遼東田世說王子猷曰滄浪之水清兮可

山簡愛將事見前楚辭曰滄浪之水清兮可

以濯我纓士贇曰顏延年詩陪廁迴天顧晉

書温嶠謂陶侃曰今之勢義無旋踵騎猛

虎安可卒下哉隋獨孤后當周宣帝崩隋文

入居禁中總百揆后使人謂帝曰騎虎之勢

必不得下勉之左思詩自非攀龍客何為倏

來遊鮑照詩徒被火石苦晉書王羲之既去

官與東土人盡山水之遊又與道士許邁

共脩服食採藥石又許邁少恬靜不慕仕進

廣陵贈別

玉瓶沽美酒數里送君還繫馬垂楊下銜杯

大道間天邊看淶水海上見青山興罷各分

袂何須別醉顏齊賢曰酒德頌銜杯漱醪士贇曰曹植詩美酒斗十千江

淹別賦曰送君南浦傷如之何劉琨詩繫馬

長松下發鞍高岳頭史自叙曰未嘗銜杯酒

接殷勤之歡江淹賦遷客海

上謝惠連詩分袂澄湖陰

編遊名山採藥於桐廬之恒山餌木斷穀後漢井丹傳自是隱閑不關人事東漢馬融廣成頌曰發棹歌縱水謳



感時留別從兄徐王延年從弟延陵

天籟何參差噫然大塊吹玄元包橐籥紫氣

何透迤七葉運皇化千齡光本支仙風生指

樹大雅歌螽斯諸王若鸞虬肅穆列藩維哲

兄錫茅土聖代羅榮滋九卿領徐方七步繼

陳思齊賢曰莊子子綦曰大塊噫氣其名為

同而使其自然也老子曰天地之間其猶橐

籥乎唐至肅宗凡七葉毛詩本支百世神仙

言指李樹曰以此為我姓毛詩大雅又螽斯

幽州謂之春

呼為蚌蜃蚌

鸞神鳥五采

大邦維屏大


記三王世家

為太社封四

以白茅歸以

宗正司農少

疑是徐方牧



豆然豆其豆在

太急士贇曰楚

君也按唐史高

皇帝聖母為先

上老君尊號曰



感時留別從兄徐王延年從弟延陵

天籟何參差噫然大塊吹玄元包橐籥紫氣

何透迤七葉運皇化千齡光本支仙風生指

樹大雅歌螽斯諸王若鸞虬肅穆列藩維哲

兄錫茅土聖代羅榮滋九卿領徐方七步繼

陳思齊賢曰莊子子綦曰大塊噫氣其名爲

同而使其自已也老子曰天地之間其猶橐

籥乎唐至肅宗凡七葉毛詩本支百世神仙

傳老子之母適至李樹下而生老子生而能

言指李樹曰以此爲我姓毛詩大雅又螽斯

幽州謂之春箕蝗類也郭璞注方言云江東

呼爲蚘蚘蚘音將帛反蚘音猛虬龍無角者

鸞神鳥五采毛詩板曰价人維藩太師結垣

大邦維屏大宗維翰懷德維寧宗子維城史

記三王世家青社注張晏曰王者以五色土

爲太社封四方諸侯各以其方色土與之苴

以白茅歸以立社漢以奉常光祿衛尉太僕

宗正司農少府鴻臚大理爲九卿范彥龍詩

疑是徐方牧曹植封陳思王七步成詩云煮

豆然豆箕豆在釜中泣木是同根生相煎何

太急士贇曰楚辭次參差兮誰思玄元指老

君也按唐史高宗乾封元年丙寅帝封岱嶽

駕至毫朝謁老君御製冊文上尊號曰玄元

皇帝聖母爲先天太后元寶七載戊子

上老君尊號曰聖祖太道玄元皇帝十三載



甲午二月癸酉帝朝宴太清宮加上老君尊  
 號曰大聖祖高上大道金闕玄元天皇大帝  
 列仙傳老子西遊關令尹喜望見紫氣浮關  
 老子果乘青牛而過關尹內傳關令尹喜周  
 大夫也善於天文登樓四望見東極有紫氣  
 喜曰應有聖人過果見老子史蒙恬傳曰遠  
 迤而北李蕭遠運命論曰穆穆蕭肅敬也張  
 衡東曰透迤行貌爾雅曰穆穆肅肅敬也張  
 都賦曰肅肅之儀盡穆穆之禮殫丘遲詩肅  
 穆恩波被書禹貢厥貢淮士五色注曰王者  
 封五色土為社建諸侯則各割其方色土與  
 之使立社燾以黃土苴以白茅茅取其絮黃  
 取王者伊昔全盛日雄豪動京師冠劍朝鳳  
 覆四方伊昔全盛日雄豪動京師冠劍朝鳳  
 闕樓船侍龍池鼓鍾出朱邸金翠照丹墀君

王一顧盼選色獻蛾眉列戟十八年未曾輒  
 遷移大臣小暗鳴謫竄天南垂長沙不足舞

貝錦且成詩齊賢曰漢書建章宮其東鳳闕

唐元宗嘗潛龍于興慶宮及即位興慶池嘗  
 有一小龍出遊宮外御溝水中竒狀蜿蜓後  
 幸蜀前一夕其龍自池中御溝雲望西南去  
 環列之士率共觀之及上至嘉陵江乘舟將  
 慶見一小龍翼舟而進上謂左右曰此吾與  
 慶池中龍也命以酒沃酌上親自祝之龍乃  
 自水中振鬣而去謝眺詩黃旗映朱邸史記  
 曰諸侯朝天天子於天子之職所立宅舍曰邸西  
 京賦青瑣丹墀漢官典職曰丹漆地故稱丹  
 墀廣絕交論云顧盼增其倍價毛詩螭首蛾



眉韓信傳曰項王喑鳴叱咤千人皆廢漢書  
 長沙定王發以其母微無寵故王卑淫貧國  
 景帝後一年諸王來朝有詔更前稱壽歌舞  
 定王但張袖小舉手左右笑其拙上怪問之  
 曰臣國小地狹不足回旋帝乃以武陵零陵  
 桂陽益焉毛詩萋兮斐兮成是貝錦王贊曰  
 晉書劉琨與祖逖俱以雄豪著名後漢竇融  
 傳融為安豐侯與五郡太守奏事京師官屬  
 賓客皆隨駕乘千餘兩牛羊被野引見就位  
 賞賜恩寵傾動京師枚乘兔園賦高冠扁焉  
 長劍開焉范曄宦者傳論若夫長劍高冠紆  
 朱懷金者布滿宮闈詩云鼓鐘于宮聲聞于  
 外劉駒駮玄根賦戴金翠珥珠璣列戟見前  
 書東西垂注垂是遠外之名漢書表周匝三  
 謂北東南也  
 佐郡浙江西病閑絕驅馳階

軒日苔蘚鳥雀噪簷帷時乘小肩輿出入畏  
 人知北宅聊偃憇歡愉恤惇嫠羞言梁苑地  
 烜赫耀旌旗兄弟八九人吳秦各分離大賢  
 達機兆豈獨慮安危小子謝麟閣鴈行忝肩  
 隨令弟字延陵鳳毛出天姿清英神仙骨芬  
 馥菹蘭蕤齊賢曰佐郡長史別駕也晉書王  
曰臣父清畏人知晉書阮咸與籍居道南諸  
阮居道北洪範曰無虐惇獨而畏高明左傳  
嫠不恤其緯而憂宗周梁孝王築東苑得賜  
天子旌旗出從千乘萬騎東西馳獵擬於天



子事見前漢宮室疏天祿閣麒麟閣蕭何造  
 以藏秘書賢才曲禮曰五年以長則肩隨之  
 謝靈運子鳳鳳子超宗有文辭帝嗟賞嘗謂  
 謝莊曰起宗殊有鳳毛離騷云豈獨紉夫蕙  
 出有平賈曰謝靈運詩空庭來鳥雀莊子有平  
 子鄴中集序曰建安末余時在鄴宮朝遊夕  
 譙宛歡愉之極爾雅赫兮喧兮威儀也註貌  
 光宣晉書傳羅企生從殷仲堪路經家門弟  
 遵生謂曰作如此分離何可不執手易繫辭  
 君子安不忘危左傳襄公十一年書曰居安  
 思危思則有備有備則無患敢以此規記王  
 制曰父之齒隨行兄之齒鴈  
 行西都賦鮮顛氣之清英  
 夢得春草句將

非惠連誰深心紫河車與我特相宜金膏猶

罔象玉液尚磷緇伏枕寄賓館宛同清漳湄

藥物多見饋珍羞亦兼之誰道溟渤深猶言

淺恩慈鳴蟬遊子意促織念歸期齊賢曰謝靈運夢惠

連得池塘生春草之句事見前抱朴子曰河

車可作銀穆天子傳云河伯示汝黃金之膏

乃使象罔得之論語磨而不磷涅而不緇左

傳文公館如公寢賓至如歸清漳見前鮑照

詩築池類溟渤王贊曰顏延年詩深心託毫

高祖曰遊子悲故鄉陸機詩紆鬱遊子情

驕陽何火赫海水爍龍龜百川盡凋枯舟楫



閣中遠策馬搖涼月通宵出郊圻泣別目眷

眷傷心步遲遲願言保明德王室佇清夷摻

袂何所道接毫投此辭齊賢曰爾雅九達謂

謝惠連詩眷眷浮客心詩云念彼共人瞻瞻

懷顧又行道遲遲中心有違又摻執子之法

左思詩咄嗟復凋枯古詩驅車策駑馬李陵

詩努力崇明德仲長統昌言曰警蹕清夷傳

咸詩王度日清夷南史王僧虔傳曰汝聞老

子卷頭五尺許未知輔嗣何所道平叔何

所說而便於塵尾自呼談士此最險享

別儲邕之剡中

借問剡中道東南指越鄉舟從廣陵去水入

會稽長竹色溪下綠荷花鏡裏香辭君向天

姥拂石卧秋霜齊賢曰唐剡縣隸越州會稽

行山陰道上如鏡中游天姥山隸處州麗

留別金陵諸公

海水昔飛動三龍紛戰爭鍾山危波瀾傾側

駭奔鯨黃旗一掃蕩割壤開吳京六代更霸

王遺跡見都城齊賢曰鍾山見前謝玄暉詩



誑國人之曰黃旗紫蓋見於東南終有天下者  
荆揚之君乎吳京金陵也王贊曰三龍魏蜀  
吳也班固荅賓戲曰於是七雄皆掃蕩晉書  
夏龍戰而虎爭謝靈運詩宛郢皆掃蕩晉書  
唐彬對文帝曰觀古人之遺跡至今秦淮間  
向秀思舊賦曰踐二子之遺跡

禮樂秀羣英地扇鄒魯學詩騰顏謝名五月

金陵西祖余白下亭欲尋廬峯頂先遶漢水

行香爐紫煙滅瀑布落太清若攀星辰去揮

手緬含情王贊曰文中子曰江東中國之舊

江東貴焉史貨殖傳鄒魯俗好儒備於禮漢

鄒陽傳鄒魯守以經學顏謝顏延之謝靈運

惠連玄暉宣遠詩皆入選毛詩仲山甫出祖

鄭玄曰祖者將行犯較之祭也張景陽詩羣

公祖二踈圖經白下在上元縣西北廬峯即

廬山也香爐峯在城北山南山北皆見其形

圓聳常出雲氣故名劉琨詩揮手

長相謝劉玄休詩揮手從此辭

口號

食出野田美酒臨遠水傾東流若未盡應見

別離情齊賢曰呂氏春秋曰水泉東流日夜  
不休王贊曰鮑照詩風急野田空楚  
辭悲莫悲兮生別離又若  
在遠行登山臨水送將歸  
金陵酒肆留別



風吹一作白門柳花滿店香吳姬壓酒使客嘗金

陵子弟來相送欲行不行各盡觴請君試問

東流水別意與之誰短長齊賢曰白下亭在今建康東門外士

贊曰楚辭君不行兮夷猶詩眼云山山谷言學者若不見古人用意處但得其皮毛所以去

之更遠如風吹柳花滿店香若人復能為此

句亦未是太白至于吳姬壓酒勸客嘗壓酒

字他人亦難及金陵子弟來相送欲行不行

各盡觴益不同請君試問東流水別意與之

誰短長至此乃真太白妙處當潛心焉故學

者先以識為主禪家所謂正法眼直須具此

可眼入道方

### 金陵白下亭留別

驛亭三楊樹正當白下門吳煙暝長條漢水

鬻古根向來送行處迴首阻笑言別後若見

之為余一攀翻齊賢曰唐武德九年更金陵

易曰笑言啞啞謝靈運詩桂枝徒攀

翻士贊曰鄭玄毛詩箋曰迴首曰顧

### 別東林寺僧

東林送客處月出白猿啼笑別廬山遠何煩

過虎溪齊賢曰廬山在江洲南三十里二林

寺又在山之南五里許小嶺可到兩



寺相隣晉道永道遠所居規制廣袤若一大  
縣水石深怪古跡無窮東林三門內有小渠  
名曰虎溪遠師送客未嘗過溪西林  
即永法師所居規制稍不及東林

### 竄夜郎於烏江留別宗十六璟

君家全盛日台鼎何陸離斬鼉翼媧皇鍊石

補天維一迴日月顧三入鳳凰池失勢青門

傍種瓜復幾時猶會衆賓客三千光路岐皇

恩雪憤蕙松栢含榮滋齊賢曰晉志在天為

書三公鼎足承君離騷長余佩之陸離李善

曰陸離參差衆貌許慎云美好貌淮南子曰

女媧鍊五色石以補蒼天漢書蕭何贊曰依

日月之末光荀勗為中書令罷云奪我鳳凰

池青門乃長安霸城門漢書邵平故秦東陵

侯秦破為布衣貧種瓜於長安城東瓜美故

世俗謂之東陵瓜從邵平以為名也史記春

申君客三千餘人王粲曰詩箋云迴首曰顧

陸機詩人生當幾時論語歲我非東林人令

寒然後知松栢之後凋也

姊忝齊眉浪跡未出世空名動京師適遭雲

羅解翻謫夜郎悲拙妻莫邪劍及比二龍隨

慙君湍波苦千里遠從之白帝曉猿斷黃牛

過客遲遙瞻明月峽西去益相思齊賢曰太

白上安州



裴長史書云楚有七澤遂來觀焉而許相公  
家見招妻以孫女便憇跡于此至移三霜則  
題中所謂別宗十六者疑誤也晉太尉郗鑒  
使門生求女婿於王導令就東廂徧觀弟子  
門生歸謂鑒曰王氏諸少並佳然聞信至咸  
自矜持惟一人王在東床坦腹食獨若不聞鑒  
曰此正佳婿訪之乃羲之遂以女妻之後漢  
梁鴻娶孟光字德曜每具食不敢於鴻前仰  
視舉按齊眉揚子谷口鄭子真耕於巖石之  
下名震京師夜郎縣隸漆州干將莫耶張華  
二龍劍事見二卷白帝城隸夔州黃牛峽隸  
峽州白崖間有石如人形皆黃色余  
上黃牛廟閱其碑或云土星見形也明月峽  
隸渝州至夔西陵峽四千里士贊曰江淹詩  
曠哉宇宙間雲羅更四陳又浪跡無妍蚩然  
後君子道前漢五行志下曰空名得進謝靈

運詩曰安  
用空名揚

### 留別龔處士

龔子棲閑地都無人世喧柳深陶令宅竹暗  
辟疆園我去黃牛峽遙愁白帝猿贈君卷苑

草心斷竟何言

齊賢曰陶潛詩結廬在人境  
而無車馬喧南史陶潛宅近

有五柳嘗為彭澤令吳郡顧辟疆有名園離  
騷云蕢菜苑以盈室兮判獨離而不服苑泉  
耳詩人謂之卷耳爾雅謂之  
苓耳士贊曰論語天何言哉

### 贈別鄭判官



竄逐勿復哀慙君問寒灰浮雲本無意吹落  
章華臺遠別淚空盡長愁心已摧二年吟澤

畔顛顛幾時迴齊賢曰左傳楚子成章華之臺臺在今江陵楚詞屈原既

放遊於江潭行吟澤畔顏色顛顛形容枯槁士贇曰魏志劉廙疏謝曰臣罪應傾宗禍應

覆族遭乾坤之靈起煙於寒灰之上生華於已枯之木物不荅施於天地子不謝生於父

母可以死效難用筆陳魏文帝詩西北有浮雲適與飄風會吹我東南行南行至吳會論

語子曰富貴於我如浮雲古歌曰大憂摧人肺肝心歐陽建詩痛酷摧心肝

### 黃鶴樓送孟浩然之廣陵

故人西辭黃鶴樓煙花三月下揚州孤帆遠

影碧空盡唯見長江天際流齊賢曰黃鶴樓

在鄂州謝朓詩曰天際識歸舟

將遊衡岳過漢陽雙松亭留別族弟

### 浮屠談皓

秦欺趙氏璧却入邯鄲宮本是楚家玉還來

荆山中丹彩瀉滄溟清輝凌白虹青蠅一相

點流落此時同齊賢曰蘭相如全璧歸趙事見三卷光武紀邯鄲縣名屬



趙國蔡邕琴操曰楚昭王得和氏璧欲以貢於趙王於是遣大夫楚明光奉璧之趙盧子諒詩趙氏有和璧天下無不傳秦人來求市厥價徒空言又云連城既偽往荆玉亦真還禮記聘義云氣如白虹天也士贊曰阮籍詩明月耀清暉顏延年詩清暉在天青蠅詩云營營青蠅止于樊豈弟君子無信讒言箋云蠅之為蟲汗白使黑汗黑使白喻佞人能變亂善也卓絕道門秀談玄乃支公延蘿結幽居惡也

翦竹繞芳叢涼花拂戶牖天籟鳴虛空憶我初來時蒲萄開景風今茲大火落秋葉黃梧桐水色夢沅湘長沙去何窮寄書訪衡嶠但

與南飛鴻

齊賢曰高逸沙門傳支遁居會稽晉哀帝欽其風味遣中使至東迎之遁遂辭丘壑高步天邑遁字道林世說曰支道林殷淵源俱在相王許簡文相王謂二人可試一交言支初作改轍遠之數四交不覺入其玄中相王拍肩笑曰此自是其勝場安可爭鋒天籟見前風土記夏至景風至大火落七月也衡嶠衡嶽也士贊曰范彦龍詩寄書雲間鴈為我西北飛

留別賈舍人至二首

大梁白雲起飄飄來南洲徘徊蒼梧野十見羅浮秋鰲挾山海傾四溟揚洪流意欲託孤



鴈從之摩天遊鳳苦道路難翱翔還崑丘不

肯銜我去哀鳴慙不留齊賢曰歸藏啓筮曰有白雲起自蒼梧入

于大梁禮記舜葬于蒼梧之野張衡賦登蓬萊而容與兮鰲雖抃而不傾事祖出列子見

前四溟四海也王仲宣詩鴻鵠摩天游古鳥生八九子歌曰黃鵠摩天極高飛羅浮山及

崑丘事見前士贇曰宋玉答楚王問鳳凰上擊九千里絕雲霓負蒼天翱翔乎杳冥之上

詩云哀鳴磬磬遠客謝主人明珠難暗投拂拭倚天

劔西登岳陽樓長嘯萬里風掃清霄中憂誰

念劉越石化為繞指柔齊賢曰鄒陽曰明月之珠以閭投人於道

衆莫不按劔相聒大言賦長劔耿介倚天之

外岳陽樓在岳陽城上正對君山楚辭臨淥

水而長嘯左思詩長嘯激清風劉越石詩何

意百鍊剛化為繞指柔士贇曰楚辭去鄉離

家兮徠遠客成公綏嘯賦乃慷慨而長嘯集長風兮萬里

其二

秋風吹胡霜凋此簷下芳折芳怨歲晚離別

悽以傷謬攀青瑣賢延我於此堂君為長沙

客我獨之夜郎勸此一杯酒豈惟道路長割

珠兩分贈寸心久不忘何必兒女仁相看淚



成行

齊賢曰王翁儒傳師古曰青瑣者刻為

一杯酒

士贊曰漢元后傳赤墀青瑣孟康曰

以青畫戶

邊鏤中天子制也如淳曰天子門

制也

鮑照詩秋風吹飛藿蘇武詩惟念當離

別思情

日以新古詩道路阻且長會面安可

知沈休文

詩寸心於此足論語久要

不忘平生

之言曹植詩無乃兒女仁

### 渡荆門送別

渡遠荆門外來從楚國遊山隨平野盡江入

大荒流月下飛天鏡雲生結海樓仍連故鄉

水萬里送行舟

齊賢曰荆門軍有山名荆門

所破鏡飛上天晉志海旁蜃氣象樓臺諸葛亮送吳使浣花溪北曰萬里之行始於此今成都行有萬里橋士贊曰左思吳都賦出乎大荒之中行乎東極之外史天官書海旁蜃氣象樓臺廣野氣成宮闕然雲氣各象其山川人民所聚積

聞李太尉大舉秦兵百萬出征東南

儒夫請纓冀申一割之用半道病還

留別金陵崔侍御十九韻復至金陵

秦出天下兵蹴踏燕趙傾黃河飲馬竭赤羽

連天明太尉仗旄鉞雲騎繞彭城三軍授號



令千里肅雷霆函谷絕飛鳥武關擁連營意

在斬巨鼇何論鱠長鯨齊賢曰關中皆三秦之地家語赤羽若日

白羽若月漢百官公卿表太尉秦官應邵曰

自上官下曰尉武官悉以為稱尚書中候云

舜為太尉牧誓云王左杖黃鉞右秉白旄唐

徐州彭城郡治彭城縣唐書李光弼加太尉

中書令兼侍中河南副元帥知河南淮東西

山南東荆南五道節度行營事鎮泗州帝賦

詩以餞遂疾驅入徐州朝義走寶應元年進

封臨淮郡王函谷在唐陝州靈寶縣本桃林

塞羽獵賦鳥不及飛獸不得過武關在商州

商洛縣東漢書沛公襲攻武關破之列子帝

使巨鰲十五舉首而戴之五山始時而不動

士贊曰趙景真與稽茂齊書曰躡崑崙使西

倒蹋太山令東覆後漢竇憲傳論曰飲馬北

隄之曲國語越勾踐棲於會稽之上號令三

軍漢書李廣傳曰將軍者國之爪牙也怒形

則千里悚威震則萬里伏詩云如雷如霆徐

方震驚管子曰嚴如風雨動如雷恨無左車略

雷霆三國志劉備連營七百里

多愧魯連生拂劍照嚴霜彫戈鬢胡纓願雪

會稽耻將期報恩榮半道謝病還無因東南

征亞夫未見顧劇孟阻先行天奪壯士心長

吁別吳京齊賢曰漢書趙王陳餘聞漢且襲

糧道深溝高壘勿與戰餘不聽韓信引兵出

井陘口斬成安君泚水上禽趙王歇購生得



李左車者千金頃之縛至信解其縛而師事之魯仲連事見二卷莊說劍庶人之劍蓬頭突鬢垂冠曼胡之纓曼音莫干切史記越王句踐為吳所敗棲於會稽山置膽於坐卧即仰膽飲食亦嘗膽曰汝忘會稽之耻耶左傳天奪其鬼吳京建康也士贇曰周亞夫得劇孟事見三卷史范蠡蠡金陵遇太守倒屣相逢傳范蠡既雪會稽耻

迎羣公咸祖餞四座羅朝英初發臨滄觀醉棲征虜亭舊國見秋月長江流寒聲帝車信迴轉河漢復縱橫孤鳳向西海飛鴻辭北冥因之出寥廓揮手謝公卿齊賢曰皇甫規解官歸安定王符往

謁規倒屣出迎風俗通曰共工氏子脩好遠遊故祀為祖神祖祖也張景陽詩羣公祖二踈輿地志秣陵新亭隴有遠望樓又名勞勞樓後改名臨滄觀丹陽記曰征虜亭太安中征虜將軍謝安立因名晉志斗為帝車取運動之義天漢見前唐志北扉大都護府本庭州有西海縣莊子北溟有魚司馬相如傳鷓鴣已翔乎寥廓之宇謝靈運詩揮手告鄉曲士贇曰蜀費禕傳丞相亮南征還羣僚於數十里逢迎顏延年詩榮會在逢迎古詩河漢清且淺魏文帝詩天漢迴西流三五正縱橫揚子鴻飛冥冥

別韋少府

西出滄龍門南登白鹿原欲尋商山皓猶戀



漢皇恩水國遠行邁仙經深討論洗心向秋

月清耳敬亭猿

齊賢曰商山四皓見前易繫辭聖人以此洗心士贇曰顏

延年詩水國周地險築室在人境閉關無世喧多君枉

高駕贈我以微言交乃意氣合道因風雅存

別離有相思瑶瑟與金樽

齊賢曰陶潛詩結廬在人境而無車

馬喧師古曰多猶重也徐庶謂先王曰此人可就見不可屈致將軍宜枉駕見之家語子

路將行孔子曰贈汝以言乎毛詩有國風有

小雅曹植樂府曰金樽玉杯不能使薄酒更厚世說衛伯玉曰微言將絕今乃復聞士贇曰列子曰公問孔子曰人何以微言乎孔子

不應白公曰人故不可與微言乎孔子曰何  
為不可唯知言之謂者乎夫知言之謂者不  
以言言也論語崇爵識曰子夏六十四人共  
撰仲尼微言以當素王劉歆移書讓太常博  
士曰及夫子沒而微言絕七十二子終而大  
義乖漢書藝文志曰仲尼沒而微言絕師古  
曰精微要妙之言曹攄詩自我別句朔微言  
絕乎耳張衡詩美人贈我金琅玕史侯生為  
意氣劂頸司馬遷答任少卿書意氣慙慙懇  
懇昭明太子文選序曰風雅之道粲然可觀  
楚詞悲莫悲兮生別離古詩上言長相思謝  
靈運詩清醕滿金樽顏延年詩劉伶善閉關

### 南陵別兒童入京

白酒新熟山中歸黃雞啄黍秋正肥呼童烹



雞酌白酒兒女嬉笑牽人衣高歌取醉欲自  
慰起舞落日爭光輝游說萬乘苦不早着鞭  
跨馬涉遠道會稽愚婦輕買臣余亦辭家西  
入秦仰天大笑出門去我輩豈是蓬蒿人

齊賢

曰詩黃鳥黃鳥無啄我黍蘇秦贊云秦兄弟  
三人皆游說諸侯以顯名漢刑法志天子畿  
方千里提封百萬并定出敗六十四萬井戎  
馬四萬匹兵車萬乘放稱萬乘之主晉書劉  
琨曰常恐祖生先吾着鞭朱買臣妻事見前  
桓子新論曰人聞言長安樂者出門向西而  
笑三輔決錄張仲蔚隱身不任所居蓬蒿沒  
人士贊曰陶潛詩歸去來山中酒應熟

潘岳謂居賦頓足起舞抗音高歌人生行樂  
孰知其他史屈原傳雖與日月爭光可也古  
詩立身苦不早蜀志楊洪門下書佐何祗有  
才策功幹舉郡吏數年為廣漢太守時共尚  
在蜀郡每朝會祗次洪坐洪謂祗曰君馬何  
駛祗曰故吏馬不敢駛但明府未着鞭爾選  
詩所思在遠道列子晉文公出  
會欲伐衛公子鉅仰天而笑

### 別山僧

涇縣作

何處名僧到水西乘舟弄月宿涇溪平明別  
我上山去手携金策踏雲梯騰身轉覺三天  
近舉足迴看萬嶺低謔浪肯居支遁下風流



還與遠公齊此度別離何日見相思一夜暝

猿啼

齊賢曰涇溪隸涇縣屬宣州留侯傳平明而往天台賦振金策之鈴鈴謝靈運

詩共登青雲梯毛詩譎浪笑傲支遁字道林

于法開始與爭名後情漸歸支意甚不平遂

遁跡剡下遣弟子出都于時支公正講小品

開戒弟子道林講比汝至當在某品中因示

語攻難數十番弟子如言詣支公正值講因

述開意往返多時林公遂屈厲聲曰君何足

復受人寄載來遠法師居廬山東林寺士贊

曰道書自初一氣而分三氣是為三天一氣

大羅天三氣清微天禹餘天太赤天即玉清

上清太清之三境也王儉撰褚淵碑文曰風

流籍甚古詩上言長

相思下言久別離





程